



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Dioecesis Paderbornensis Rituali Romano accommodata

Hermann Werner <Paderborn, Bischof>

Nevhsii, 1687

Benedictio herbarum in assumptione B.M.V.

urn:nbn:de:hbz:466:1-36005

Benedictio Ovorum.

trosq; postes domorum de sanguine ejusdem agni perungi præcepisti : tu
benedicere ✠ & sanctificare ✠ digneris, hanc creaturam carnis, quam nos
famuli tui ad laudem tuam sumere desideramus, per resurrectionem ejusdem
Domini nostri Jesu Christi. Qui tecum vivit & regnat in sæcula sæculorum.

R. Amen.

Aspergat aqua benedicta.

Benedictio Ovorum.

V. Adjutorium nostrum in nomine Domini. **R.** Qui fecit cœlum &c.

V. Dominus vobiscum. **R.** & cum Spiritu tuo.

Oremus.

Subveniat, quæsumus domine, tuæ benedictionis ✠ gratia huic ovorum
creaturæ, ut cibus salubris fiat fidelibus tuis, in tuarum gratiarum actione
sumentibus, ob resurrectionem domini nostri Jesu Christi, qui tecum vivit
& regnat in sæcula sæculorum. **R.** Amen.

Aspergantur aqua benedicta.

Benedictio Panis.

V. Adjutorium &c. **V.** Dominus vobiscum &c.

Oremus.

Domine Jesu Christe Panis Angelorum, Panis vivus æternæ vitæ, bene-
dicere ✠ dignare panem istum, sicut benedixisti quinque panes in de-
serto, ut omnes ex eo gustantes, inde corporis & animæ percipiant sanitatem.
Qui vivis & regnas in sæcula sæculorum. **R.** Amen.

Aspergat aqua benedicta.

Benedictio Panis alia.

V. Adjutorium &c. **V.** dominus vobiscum &c.

Oremus.

Domine sancte, pater omnipotens, æterne deus, benedicere ✠ digneris
hunc panem tua sancta spiritali benedictione : ut sit omnibus sumen-
tibus salus mentis & corporis, atq; contra omnes morbos, & universas inimi-
corum insidias tutamen. Per dominum nostrum Jesum Christum Filium
tuum, panem vivum, qui de cœlo descendit, & dat vitam & salutem mundo :
& tecum vivit & regnat in unitate Spiritus sancti deus, per omnia sæcula sæ-
culorum. **R.** Amen.

Mox aspergat aqua benedicta.

Benedictio novorum Fructuum.

V. Adjutorium &c. **V.** dominus vobiscum &c.

Oremus.

Benedic domine hos novos fructus N. & præsta, ut qui ex eis in tuo san-
cto nomine vescantur, corporis & animæ salute potiantur. Per Chri-
stum Dominum nostrum. **R.** Amen.

Aspergantur aqua benedicta

Benedictio Herbarum in festo Assumptionis B. Mariæ Virginis.

Sacerdos indutus alba, manipulo & stola absq; casula, ante summam missam, habens coram
se herbas benedicendâs, dicat signando se signo S. crucis.

V. ad-

V. Adjutorium nostrum in nomine domini.

R. Qui fecit cœlum & terram.

V. domine exaudi orationem meam.

R. Et clamor meus ad te veniat.

V. Dominus vobiscum. **R.** & cum spiritu tuo.

Oremus.

Domine sancte, pater omnipotens, qui ab initio fecisti hominem ad imaginem tuam, & condidisti cœlum & terram, Solem & Lunam, Stellas, & omnia cœlestia & terrestria. Tu domine dominaris potestati maris, tu habes potestatem abyssi magnæ, tu condidisti omnia Elementa : tu bene **✠** dicere, & sancti **✠** ficare digneris has creaturas herbarum, sicut benedixisti quinque panes in deserto, & duos pisces, & satiasti quinque millia virorum : omnesq; qui utuntur ex eis, bene **✠** dicere & sancti **✠** ficare dignare, ut eis sit sanitas animæ & corporis. In nomine Pa **✠** tris, & Fi **✠** lij, & Spiritus **✠** sancti. Et ab omnibus hominibus, pecoribusque, qui ex hoc gustaverint, omnem putredinem, & omne phantasma Diaboli amovere, & omnem morbum, & pestilentiam ac dolorem expellere digneris. Qui in trinitate perfectâ vivis & regnas Deus, per omnia sæcula sæculorum. **R.** Amen.

Oremus.

Suppliciter, sancte pater, atq; subnixis precibus tuam deprecamur Clementiam, qui mirabiliter cuncta ex nihilo creasti, qui terram diversa proferre germina præcepisti, & varia medicamentorum genera ad sananda generis humani corpora herbis indidisti, bene **✠** dicere & sancti **✠** ficare has diversi generis herbas, tua pietate digneris, ut quicumq; ex eis in hac solemnitate Venerabilis ac sanctæ Dei genitricis **MARIÆ** sumpturi sunt, tam animæ quam corporis sanitatem percipiant. Et intercedente eadem **B. Maria** semper Virgine, sic earum usu jucundetur salubriter, quatenus in tuorum unguentorum odore paradisi januas adire mereantur, præstante Domino Deo nostro **Jesu Christo**. Qui tecum vivit & regnat Deus, per omnia sæcula sæculorum.

R. Amen.

Oremus.

Deus qui universis generibus herbarum, humanis necessitatibus præstitisti remedia : hanc herbarum collectionem tuæ miserationis benedic **✠** dextera : ut quisquis languore depressus ex eis aliquid gustaverit, Ecclesiæ tuæ sanctæ repræsentatus, optatæ munus salutis te donante percipiat. Per Dominum nostrum **Jesum Christum** filium tuum, qui &c.

Responsorium.

Vidi speciosam, sicut columbam, descendentem desuper rivos aquarum, cujus inæstimabilis odor erat nimis in vestimentis ejus. Et sicut dies verni circumdabant eam flores rosarum, & lilia convallium. Quæ est ista, quæ ascendit per desertum sicut Virgula fumi, ex aromatibus Myrrhæ & Thuris. Et sicut dies verni circumdabant eam flores rosarum & lilia convallium. Gloria Patri & Filio, & Spiritui sancto. Et sicut dies verni circumdabant eam flores rosarum & lilia convallium.

G 2

V. Ora

Benedictio Ignis in Sabbatho sancto.

V. Ora pro nobis sancta Dei Genitrix.

R. Ut digni efficiamur promissionibus Christi.

Oremus.

Veneranda nobis Domine hujus diei festivitas opem conferat sempiternam, in qua sancta Dei Genitrix mortem subijt temporalem; nec tamen mortis nexibus deprimi potuit, quæ filium tuum Dominum nostrum de se genuit incarnatum: per eundem Dominum nostrum Jesum Christum Filium tuum &c. R. Amen.

Deinde herbe thunificentur, aspergantur aqua benedicta & distribuuntur.

Benedictio Ignis in Sabbatho sancto.

Ista nona extinguuntur omnia lumina & lampades in Ecclesia, & Sacerdos indutus amictu, alba Cingulo Stola & pluviali Violacei coloris astantibus sibi ministris cum cruce, aqua benedicta, & incenso, extra Ecclesiam benedicit novum ignem excussum è silice dicens.

V. Dominus vobiscum.

R. Et cum spiritu tuo.

Oremus.

Deus qui per filium tuum, angularem scilicet lapidem claritatis tuæ ignem fidelibus contulisti: productum è silice, nostris profuturum ulti-
bus, novum hunc ignem sancti * fica: & concede nobis, ita per hæc festa paschalia cœlestibus desiderijs inflammari: ut ad perpetuæ claritatis, puris mentibus valeamus festa pertingere. Per eundem Christum D. nostrum.

R. Amen.

Oremus.

Domine Deus, pater omnipotens, lumen indeficiens, qui es conditor omnium luminum: bene * dichoc lumen, quod à te sanctificatum & benedictum est, qui illuminasti omnem mundum: ut ab eo lumine accendantur atq; illuminentur igne claritatis tuæ: & sicut illuminasti Moysen exeuntem de Ægypto, ita illumines corda & sensus nostros, ut ad vitam & lucem æternam pervenire mereamur. per Christum Dominum nostrum.

R. Amen.

Oremus.

Domine sancte, pater omnipotens, æterne Deus: benedicentibus nobis hunc ignem in nomine tuo, & unigeniti filij tui Dei ac Domini nostri Jesu Christi, & Spiritus sancti, cooperari digneris. Et adjuva nos contra ignita tela inimici, & illustra gratia cœlesti, simulq; ab omni læsione ignis nos & omnia nostra tuere. Qui Vivis & regnas cum eodem unigenito tuo & Spiritu sancto Deus per &c. Amen.

Deinde benedicit 5. incensi grana ponenda in cereo dicens.

Veniat, quæsumus, omnipotens Deus, super hoc incensum larga tuæ benedictionis * infusio: Et hunc nocturnum splendorem invisibilis re-generator accende: ut non solum Sacrificium quod hac nocte litatum est, arcana luminis tui admixtione refulgeat: sed in quocunq; loco ex hujus sanctificationis mysterio aliquid fuerit deportatum, expulsa diabolicæ fraudis nequitia virtus tuæ majestatis assistat. per Jesum &c. Amen.

Cætera ex Missali suppleantur.

Bene.